

KBC THUSO

AUGUST/LHAJING 2022

Regd. No. 19134/88
<https://www.kbc.org.in> NAI/220/99
No-G4/Regd. Magazine/
KBCThuso/MNP-81



Damtheina Khohsah

September Events

Christain Education Day - 04
Workers Retreat - 19-23

*"Kapa theng eini pumkhat ihi bang a amaho jong pumkhat
ahitheina ding un, Nangman amahohi hong in"*

John 17:11



16th May - 3rd June chan Shalom Theological Seminary, mun a C. Th Spring Semester lothing tah in ana kichai tai.



Senate of Serampore College University noiija Shalom Theological Seminary mun a Theology simlai ist Semester a lonhinna neiho.

CONTENTS

THUMAKAI HO

TULAIYA KUKITE SOHTANGA A-ONA/EDITORIAL	1
CHRISTIAN CHAMLHAT/Rev. Dr. M. Thongkhosei Haokip	3
COVID NATNA LE CHAPANGHO/Dr. Tongjakai Haokip, Child Specialist	10
PASTOR LE MOBILE/Rev. T. Thangkhosei Haokip,	12
MISSION COLUMN	14
MEN DEPARTMENT REPORT	18
WOMEN DEPARTMENT	21
YOUTH DEPARTMENT	22
HOLISTIC DEVELOPMENT COLUMN	24
EDUCATION COLUMN	25
OFFICE LEH GAMBIH THULHUT HO	29

EDITORIAL BOARD

Chairman	: Rev. Tonglet Haokip, President KBC
Editor	: Dr. M. Thongkhosei Haokip, General Secretary
Joint Editor	: Rev. Lunkhosei Tuboi
Contributing Editors:	1. Rev. Thongkholun Touthang 2. Rev. Lamkeng Lhouvum 3. Rev. Tongmang Haokip 4. Ms. Tingneihing Kipgen 5. Rev. T. Thangkhosei Haokip

Design & Layout - Hemkholen Haokip
Circular Manager - Ms. Vahboi Baite
Recorder Ms. Vahnnunem Haokip

THUSO LAHMAN

Church/Organisation/Department : Rs. 300/-
Individual : Rs. 200/- (Post a Rs. 250/-)
Indian Overseas Bank, Imphal Branch
A/C No. 073201000000350 IFSC No. IOBA0000732
The General Secretary,
Kuki Baptist Convention,
Opp. D.M. College, Imnphal 795001, Manipur
email: kbcindia@rediffmail.com

Advertisement bolnom hon Mobile No 8414919588
Circulation to kisai lam Mobile No. 8119030725 bolding



TULAIYA KUKITE SOHTHANGA A-ONA

EDITORIAL

Pakai Israel Pathenin hitin aseiyé, ‘Gamthip noiya keima henga kut khat abolthei na dinguvín kamite hi soldoh tan’ ati. Exodus 5:1

Soh ihi louna dinguva Christan’n eilhtdoh u ahitai; Chuti ahijeh chun dingdet jingun, soh namkoljona chun kihen-oh kit hih-un. Galatians 5:1.

“Chuleh thutah chu heuvin natin, thutah chun nalhadoh dinguhí ... Hijeh a chu Chapa chun lhadoh leu chun ongthol tahbeh ding nhiuve.” John 8:32, 36.

Amasatah in muntina um Kuki Christian chate jouse ahideh a KBC member ho jouse chungá iPakaiyu Jesu Christa minin salaam kahinpe cheh uve. August lha ahunglhung tan, India te British tea kona chamlhat amu lha ahung hitai. Hiche toh kilhonin, tulaiya Kukite soh thanga ao-na a kona lha-ongna hi ihoubung leh lhangpi hinkhoa sahphat ding poimo tah khat in kagelin ahi. Atah bah chun hiche hi tulai Kukite dinmuna dinga tijat le lhaset umpén tah ahiye. Hiche article ah hin Kukite soh thanga a-ona leh Christian nang le keiyin pan ilah ding dan thudol chomcha kahin tahláng in ahi.

Kukitehi itobang dola soh-thanga oh hiuvem? Politics lama, Chamlhatna hi lhangpi nun (political) lamtoh kisaiya ahinkho phal ngam minu le mipaho kipeh

theng (sacrifice) jalla kimu chu ahin, thingnoihon anam mite ngaichat gamtup muna ding sanga amah ho ki-anholna deijo tauva, namdang sanga anam chankhomp i ho gal leh tola bol; Socio-cultural lamah, Phung le chaanga boina angahna mongmong umtalou, chondan-khandan toh kisaiya numei-pasala natoh a kikhenna, jat le nama kikhenna, ateh le amou kah a kikhenna; Changvala tuhin, mihem tahsa kijohna joarkap, judon-sakham, neh-le-chah kituplou, numei chung a saset, , chule adang dang a; Inchen-louchen (economics) lama, Pathen chung a kinep sanga alamlou kani (poppy) le curruption a houding kikhilhen jota; Houlam (religious) thudola Pathen ngaisah sanga ama an kineh holna tamjota, houbung ho jong Pakai khatseh noiya aumlam kihet louva kikiseise. Kipumkhat tah a houbungho natoh khomna ding a KCLF ibolnauva pankhom sanga kibungkhenna kideijota.

Jesu'n jong chamlhatna thudol eina hil uve. John sut kipana thupha sungah chun "Thutah chu heuvin natin, thutah chun nalhadoh dingu ahi (Jn.8:32); Chapa chun lhadoh leu chun onghol tahbeh ding nahiuve (Jn.8:36) ati. Hiche chamlhatna hi eima deideiya hin ding hilouva jalhang (community) a hinkhomna le kipumkhat tah a hinkhomna aseina joh ahi.

Achuti leh Christianten Chamlhat nahi itobang dolla init diu ham? Amasapena Pathen houna (worship) imandiu ahi. Anina, kiphal theng/kipumpeh (sacrifice) naleh natoh/kinbolna (service) a man ding ahi. Athumnan, chamlhatna kipapi na ding chu thu adih a kitanna holna (Seeking justice) chu ahi. Lunglut tah a sim jouse chung a Pathen vangboh chang jing taken.





CHRISTIAN CHAMLHAT Itobang dolla iman diu ham?

(Exod. 5:1; Gal. 5:1, 13-25; Jn.8:32,36)

*Rev. Dr. M. Thongkhosei Haokip
General Secretary, KBC.*

SERMON/ARTICLE

Thumakai:

Amasatah in muntina um Kuki Christian chate jouse ahideh a KBC member ho jouse chung a iPakaiyu Jesu Christa minin salaam kahinpe cheh uve.

Vannoi leiset boina ija jingun, ahideh in Myanmar military Coup ningkum February 1 apat a hung kipanna tuni geiya akichai vah ding leh aphot touvah ding kinap leh ginchat umlou; Russia in tukum February apat Ukraine te anasat jeh uva mi sang tampi thina toh, chuleh sangsom sangja in agam ngaitah u dalha a gamdanga kisel; Afghanistan gama Taliban thingnoi hon hon US le International Troops ho kum 20 jouva adalhah u toh kilhonna Taliban gamsung jouse lah a amaho vaihopna noiya koi ding tia hung machaal jingu, numeiho dinmun tijat um tiho ahivu.

Tulha nisim 15th August hi Indiate chamlhat nikho (Independence Day) ahitoh kilhonin India mipi jousen kipah leh thanom tah in akilem cheh in ahiye. Tukumhi chamlhat kimankal kum 76 lhinna kum ahitai. Kum 1947 August ni 15 ni chun kum 300 val jen Sapkangte (British) noiya sohchanna a konin chamlhat ahin mu uvin, athah beh a kipatna ahung hitai. Hichehi vannoi leiset a mipi kivaihopna gam lenpen ahungpenni melchihna chu ahitan, chuleh Indiate thusim bua aitih a suhmil thei lou khat chu ahung hitai.

Hiche nikho chu jong chamlhat kipapina leh hitobang thupi tah muna dinga ahinkho anaphal (martyr) ho geldoh jingnan jong akimange. Hiche nikho kiman nahin India mipi khat cheh lungsung chu gam ngailutna, kisopi hina leh kipeh lut thahna asudime.

Tulha sunga hitobang nikho ahitoh kilhonna ithupi diuva kahin deisah chu: Christian Chamlhat: Itobang Dolla Iman Diu Ham? ti

ahi. Hiche toh kisaiya thudoh idohnom hou chu – Soh ipi ki-seina ham? Eiho jong Soh ihi-uvm? Chuleh, Christian ten ChamIhat nahi itobang dolla init diu ham? ti thudolla chomcha ikihoulimkhom diuvn kahin de-isah e.

Bible chang anasimu hite. (Exod. 5:1; Gal. 5:1, 13-25; Jn.8:32,36)

Soh kiti thuchenghi ipi ham?
Soh kitihi masang laipeh a pat a anaumsa ahitai. Akhang toujep namhon akhang tou lou jep ho chu gal hinga akimat uva, amaho tohda/thamda ho jouse chu atohman kipe louva atohsah u ahi. Thulhun lui khangin Judate lah a jong anaumnan, ahin Bablylonte, Greek mite, Romante soh mandol chu ana hoise lleh jenge akitie. Mihem mela kimulouva, gancha leh anche tobanga adei dei phat a ajoh uva achoh u, chuleh avohnom/atha nomu leh athuthu u ahiye.

Kukite lah a soh umdol:

Lt. Col. J. Shakespeare seidanin, Kukite lah a soh jat thum aume – 1. Inpisung soh: Amahohi meithai chaga, nulou-palou asin ding umlou ahitauvin, housapa in/Inpi ngah ahitauve.

2. Chemsen or Chempong soh (Red Dao slave): Amaho hi mi sumba, tolthat ahilouleh thil

phalou anabol jeh a mihon thadia aumsah u chu kisel na ding ahettlou jeh uva haosapu abel uva, ama soh le kola pang-ahitai;

3. Tuhlut or Galhing soh: Amahohi gala kithat mohho hung kikai ahilou jong leh ahattjopa hinbel ho ahiuvn ahiye.

India mite Soh Chandol:

India mite jong Sapkangten'n kum 1600 AD vella pat a lenggam neocha cha (princely states) a anakipo chu ahinlah lah uva, achung uva vai anahop u ahi. Thildang umjong leh adeh pena kiveina lam gutna jal ahi. British East India Company hunglut masa a, chujouva England lengnu vaihomna noiya hung umah ahiye. Hiche kum 300 ahinlo sungu chun Indiate nei leh gou atamjo 2/3 amahogam lamah akilhoh un, phat chomna ding jouse agam mite (India mite) chang louva, polama kona hunggho bou changah ahiye. Tekahnan, India sunga lhai train ho chu first and second class chu sapte leh company natong ho bou tou theiya, agam mite chu third class a bou atousah jiu ahin, tulaiya unreserved compartment ho tobang hiding dan ahiye. Eg. M.K. Gandhi in Barrister achaijouva train sunga kinolha.



Kumjabi 19 kichai lam vel chun, sapkangte chun sahsolam gamkai ahin no pan tauvin ahiye. Northeast tribal thinglhang gam chu dei jong adei pouvin, lodia jong agel phahlouvu ahiye. Ahin, achomloma seidingin, Assam phaichama chana lei (tea garden) bolding tohgon ahung uma, tribal hon aphot jousea phaichama chengho asuhgim jingu suhtang na ding, Assam leh Sylhet (tua Bangladesh a umta) kikh a kivaihom nopna ding; chuleh phaitol lah a dammo veiset alan jeh a thinglhang kichon nom jeh tileh adangho jal a thinglhang ahinlo khah uva eiho khohe phalou tribal ho lah a vai ahinpoh khah u ahiye. Hijeh chun, aiti a mi noiya anaum khalou beh thinglhang mite chu Sapkangte noiya ahung um tauvin ahileh, thil jouse kikhel ahitoh kilhonin athusimu achombekh ahung hitai.

Sapten ichung uva vai ahinpoh a pat chun Kukitehi soh leh kolin ahin mang tauvin, igamu eilahpeh un gamneilouva "ju-cha vacha banga kichon lele te" eikiti tauvin, ithaneinau sel le kai namdang tehon einapeh jiu jong eikhapeh uva amaho joh henga kai ipoh jingu, ihou- sa hou amaho (lambu/clerk/

peon) noiya nemtah in ahin koiyun, kivaihomna chom, culture chom ahung umtoh kilhonin Kukite gentheina ahung khohse lleh jeng tan, atepi bei ahung hitai.

Amaho chedoh nungin vangset-pitah chun Manipur lengpa noiya Kukite khonung ding eina koipeh tauvin, eimaho mina gamtoh kisimtha lou ihitauve. Ibetehou lamkaina thingnoiho kum phabep sungin ilamkaihou leh milhamho eihin sugenthei tauvin, kichatsah a amaho thua nunsah tei ding eigo tauvin, adeh in 1993 apat 1997 sungah mihem 1000 val eihin that uvin, mi 50,000 val jen inneilou/ lou neilouvin ium tauvin, meithai le chaga aja aja in ahung kisp doh tai. Ahin tuni chanin central leh state govt in Kukite gentheina adeh a jat le nam boina (ethnic genocide) a achandiu kithopina lling pelou, donlou/dailouva um ihitauve.

Ibetehouvin eisuhgenthei nau kichai lou laiyn, phaitol gamvahoo leh melhei te ahung kipan kit un, thinglhang adeh a Chandel leh CCpur district ho ahin touphauvin, imiteu amaho thil lhohle in agoiyun, Pakai nikho jong japehna umlouvin, adei phat phat un amangun, khosunga gancha/vohcha adei

dei akithauvin, numei ahoilai lai asuseuvin, lamkai/ haosa apa- odoh aumleh thal longin asuth- ip jiuvin, khopam dunga bomb thang (landmines) akamun, loul- hou gamchekon akipal khah un, mitcho, elbaiyin hinkho imang tauvin ahiye.

Hitobang chamlhat nikho thupi- tah a imanu toh kilhonnin, kum 76 jouva soh a eihen oh nalaiho geldoh ute. Mi atamjo dinghin chamlhat hi imacha mong mong ahipoi. Chamlhat chun imacha aphatchomsah poi. Ahinkho jong akikhelsah jou pouve. Ama- ho hi Sapkangte ahitapon, ahin mutheilou thunei (dark forces) ho soh ihikit tauve. Hicheho chu – casteism (jat len jat neo kithet- na), communalism (hou chom- chom kitolouna, eg Hindu-Mus- lim), tribalism (tribe khat le khat kithettona) hin India mi atamjo soh in ahen gam kit tauve.

Kum somsagi le li hi sotpi tah chu ahitan, gamkhat/nam khat a dia lungtup molsona thei khop set ahitai. Ahin, kum hijat jou- vin jong India miten chamlhat- na amutah mongu hinam ti sei ahahsa lheh e.

- Political scenario ah, Politician ho kitah lou, sum nehguh/chah- guh (corruption) um louna a im- acha tohdoh thei um talou (Miho thusei Congress hon 10%, BJP

30% aneuve akiti) mihou leh mibol theiho dia bou chamlhat- na um, tolthat hon jail a patna election atet uva kaiyu (Eg. Mis- sionary Graham Staines le ach- ateni gari sunga meiya halde- na/that Kandahal MLA jail a pat a election tt a kaidoh).

- Social lampanga, milen leh mineo/ jat len jat neo, numei pusal, athem athemlou kibung khenna dimset jeng ahi. India gama kum 3000 valjen thet umtah (casteism) hi tuni geiyn suhling hoi hilouvin achejom jing nalaiyin, chaneina a numei deilou jeh a kisolha jing (Infan- ticide), mipa khat athi leh ajinu meiya anop-ada kibanga aki- hallih sa u (Sati system), numei jinei pusalte suma lunglhai lout- en aengbol uva/athau (dowry deaths), etc tiho ahiuve.

- Economics lamdol ah, anei- anei lou (the haves and have- nots) leh ahao avai, kikhehna sang, vaichat suhmang malah a khoh cheh chehta. Tekahna in, Asia pumpi a slum (vaichaho chenna) alenpen chu Dharavi, Mumbai khopi ah aumin, aban- tah a vannoi leiset a sumkol veina lama asangpen angana jong aumthae (Stock Exchange building). India hi vannoi leiset a mihoupenho lah a mi 130 (bil- lionaires) chenna leh vannoi



leiset a mivaicha tamna pen mun ahiye (1,100 mn).

- India mite dingin donding twi pha kimu joulou (Donding twi kisen jong choh ngaita), lekha hetlouna (illiteracy) pung cheh cheh a, thepna/chihna man hahta (commercialization of education), kolphe meivah sun le jana mit louva umlou, thutanna munhoa thu adih a kitanna umbhlou, etc.

Kukite Dinmun

Eiho Kukiholah, malai sapkangte soh in ium tapouvin, amavang amaho sanga khoh Pakai (master) tampi inei tauvin ahiye. India mite boina toh kibang hih jongleh eiho lah a jong thilchomchom soh in ipang gam tauve.

Politics lama, Chamllhatna hih lhangpi nun (political) lamtoh kisaiya ahinkho phal ngam minu le mipaho kipeh theng (sacrifice) jalla kimu chu ahin, thingnoihon anam mite ngaichat gamtup muna ding sanga amaho ki-anholna deijoutauva, namdang sanga anam chankhompi ho gal leh tola bol;

Socio-cultural lamah, Phung le chaanga boina angahna mongmong umtalou, chondan-khandan toh kisaiya numei-pasala kikhenna, jat le nama kikhenna,

ateh le akhangkah a kikhenna; Changvala tuhin, mihem tahsa kijohna jeh a sohchanna a kona kilha-ongna; tahsa chungah soh joarkap, judon-sakham, nehle-chah kituplou, numei chungah soaset, , chule adang dang a chamllhatna ngaicha ihiuve; Inchen-louchen (economics) lama, Pathen chungah kinep sanga kani (poppy) a houding kikilhen jota;

Houlam (religious) thudola Pathen ngaisah sanga ama an kinah holna tamjota, houbung ho jong Pakai khatseh noiya aumlam kihet louva khat leh khat kiseiset na leh kibung khenna dimset ahi. Kipumkhat tah a houbung natos khomna dinga KCLF ibolnauva pankhom sanga kibungkhenna tamjota. Kuki kangailui tiho dehdeh KCLF a pang nomlou ngen ahiuvin ahi.

Bible Thuhil

Soh thudol ihin sei tauvin, tuhin chamllhat thudol seitau hite. Chamllhat kitih thuchenghi miho hetdan akibangpoi. Mi kimkhat hetdanin, chamllhat kitihin amaho abol nomnom bolna leh achenom nomna a che ti ahi. Chamllhat imunau iti iman uvem ti hi apoimoe, ajeh chu ipi jeh a lha onga iumu ham ti ichepinau avetsah ahi.

Ahin, Christiante dinga chamlhatna hi achomjep in ahi. Paul in aseiyin, "Sopite, nangho soh hilou onghol dinga kikou nahi- uve; amavang soh nahilounau naonthol nau chu tahsa lama dingin agomkomin neidauvin, ahin ngailutna-in khat le khat kijen touvin" atie. Amasapena het dingin, chamlhatna chu eima deichat jengbou suh bulhitna ding chu ahipoi.

Tulaiyin "chamlhat" kiti thucheng hi akihekhelin ahi. I gam le inam sung uva hiche chamlhatna hi 'keima dei deiya kabolthei' tihin mi tampin agel tan ahi. Aman aseibena ah, chamlhat chu kimkhat a dia sohchanna in aseiyi. Ahileh so- hho chu chamlhat thei hinau- vem? Hichehi soh jatchomtah ahi. Hitobang soh chu hunama kibol hijolouva, mikhat in adeil- henna joh chu ahi. Ngailutna a khat in khat ajen ding ti ahi.

Hijeh a chu eima deichat thil- hoa kona chamlhat naleh ngai- lutna a dia chamlhat ihitauve. Tahsa ngaichat naho: "jonthan- hoi, thenlou, huh, milimhou, doi choi, kidou, kinah -kinel, kimit thip, lunghan, loitum- sem, kilangkhein, kibungkhen, kithangset, jukham, eitol-gol- nop bol, chuleh chutobang adang dang hoa kona chamlhat

ihitauve. Chutia chu lhagao jala "ngailut, cham, kipa, lungmon, thohhat, mihepi, phat, tahsan umtah hi, lungneng, amachang kitim, hichengse tohdoh nadia onghol ihitauve.

Jesu'n jong chamlhatna thudol eina hil uve. John sut kipana thupha sungah chun "Thutah chu heuvin natin, thutah chun nalhadoh dingu ahi (Jn.8:32); Chapa chun lhadoh leu chun onghol tahbeh ding nahiuve (Jn.8:36) ati.

Hiche chamlhatna hi eima dei- deiya hin ding hilouva jalhang (community) a hinkhomna le kipumkhat tah a hinkhomna aseina joh ahi.

Christianten Chamlhat nahi ito- bang dolla init diu ham?

1. Amasapena Pathen houna (worship) imandiu ahi. Pathen loup sahna ding leh Ama houd- inghi amasa pena ipansah diu ahi. Jinkah thoseh leh, "Tuni nilhum keiya Pathen houna dia chamlhat kahie" ti sei ding ahi. Mi atamjopihin chamlhatnahi Pathen houna kona onthol ding geldan aneiyun ahi. Chaml- hat kipa golnop ibolnau sun- ga Pathen hounahi pansah tei ngaiyah ahi. Igamu/inam mite chamlhatna amuna diuva mi ijat in serious tah a itao jing uvem?



Ithingnoiho dinga le amaho ki-lungtoh a Pathen le anampi lungdeiya gal asat nadiuva ita-opeh jing nah uvem?

2. Anina, kiphaltheng/kipumpeh (sacrifice) naleh natoh/kinbolna (service) a man ding ahi. Eiho eima chang kingailutna soh a kona lhatdoh ihiuve ti lunggel hi vannoi miho din gel hahsa thiml-heh ahi. Atahbeh chun, eima deibou bol kiti chu eima ngaichatna soh kihi joh ahiye. Lhagaova chamlhat kiti chu midang ding gelna chu ahiye. Lhagaoga chu ivetna ahileh midangho ijen-na ding kiseina ahiye. Amaho chu ama chang kingailu hotoh kidouvah/ kinungsun (opposite) ahiuve. Vannoi kichang ngailut-na lhagaohi Pakai giloutah chu ahi. Amavang Lhagaova chamlhat nahi ahileh midanga dia kipumpehna leh natoh na chu ahi. Chamlhat tahbeh ihinom leh ngailutnaa midang dinga kipeh lut hi ahi.

3. Athumnan, chamlhatna kipapi na ding chu thu adih a kitanna holna (Seeking justice) chu ahi. "Vo mihem, Pakaiyin thilpha chu navetsahsa ahitai, Pakaiyin nanga kona adei chu ipi ham? "Thu adih a natanpeh a mi khoto ding nakhohsah a, na Pathen nunga

kinemsah tah a lam najot dinghi ahibouve" (Micah 6:8). Thu adih a tan hi kalbi ni (2 steps) in ache theiye. Amasa chu ahileh michang cheh a (personal) chu ahi. Hichun chonphatah leh adihtah a natoh/thusei kiseina chu ahi. Pathen ngailut a, iheng ikom khohsahna nei kiseina chu ahi. Anina chu ahileh, mihem leh mihem kah a (interpersonal) ahi. Hichu, isociety sunga thudih louho doudalna a dindoh ding tina ahi. Ichung uva vaipoho chungamongtah (peaceful) a kiphinna ngai maithei tina ahi. Ilungthim uva apha/adih ihet dungjui uva ongthol tah a chaloh ding tina ahiye.

Thuchaina:

Hiche chamlhatna imunau lha sungi eihon Pathen houna/ holna ineidiu, midang a dia kiphalthengna leh kinbolna chuleh thudih/ladih isociety sunga aumna thei ding lung ngaito naleh panlah na inei diu angai lhez e. Eima, i-insung, iphungsung ding sehseh phat-chomna ding jeng hilouva, midang jouse hopjao na leh aphat-chomdiu gelna leh khat le khat chungam kingapto theina chu chamlhat dihtah ahiye. Lunglut tah a ngaiho chungam Pathen vangboh changcheh hen.



COVID NATNA LE CHAPANGHO

SERMON/ARTICLE

"I'd much rather have a vaccine than have this virus"

Achesa December 2019 kum in Wuhan khopi, China mun a Covid 19 natna hi ahung sohдох in, chuban in March 11, 2020 in World Health Organisation (WHO) in Pandemic tin phondohna ana neitan ahi.

Covid natna ahung chal jingin, tuhin 4th wave in eihin phataovin ahi. Ichennao Manipur sung jenga jong tuchan hin mihem 2000 chunglam hiche natna jeh in athitan ahi. Adeh in a kum tamlang chule natna dang dang eg. Diabetes, Hypertension, Cancer etc vei ho chung ahoise deh set in ahi. Chapang ho jong ahoidoh deh pouvin, ahin Pathen lungset najal in Covid natna hi chapang ho chung ahoise beh pon ahi. Covid natna hi hui a leng (airborne) ahijeh in kivendan ahahsa lheh jengin ahi.

Alen aneo Covid natna a kon a kivendoh theina ding in anojia kipe thulhuh hohi juicheh ding in apha in ahi (Covid 19 Appropriate Behaviours):

- Polam a ium tengle mask kitom ding, Chapang kum 2 chunglam in jong mask aki bolthei ahi
- Ahithei channa inn a kikhum jing ding, alou theilou a bou potdoh ding.
- Japi kikhopna/kititna ho a kon ki dalse ding
- Hand hygiene: Khut kisop theng jing ding
- Vaccination: kum 18 a pat chunglam jouse kikapthei ahi

Vaccination akiti tengle lung sa ihna nei ana kium ji in, hiche hi phamo akisa in ahi. Vannoi leiset chung a hin natna tampi aum in, chule natna jouse a kon a kivendidan aumtheiji poi. Ahin natna (disease) themkhat aum in, hiche ho chu vaccination jeh in vendoh in aumthei in ahi eg. Polio, Measles, Tetanus, diphtheria etc, chule hiche hohi vaccine preventable disease (VPD) tin aki minvo e. Vaccination jal in India a Polio case akimuta pon, 27th March 2014 ni chun India hi Polio-Free ahitai tin WHO in ana phongdoh tai.



Hiti ahijeh chun, vaccination hi thil poimo, thupi tah khat chu ahi. Chapang ho jong apenlhah apat a angai a lou kikap ji (Routine Immunization) hohi phatah a judi hi deisah ahi. Angaina a chapang hohi lou akikap jouphtle tisat/tipeh aneinom ji uvin, hichejeh hin mimu/mipa themkhat hin thaset lona in anei uvin ahi. Hetdinga deisah chu ahile khonungle vaccine akikaplou jeh a hiche natna ahin tokhah a hesoh genthei athoh dingpa sangin, ijem tia lou akikap jeh a chomkhat agim khah jongle khonunga dingin haphat in aphajoi.

The Lancet kiti medical journal min thangtah in June 23, 2022 ni a ana publish na a chun, achesa Dec 8, 2020 a pat Dec 8, 2021 sunga hin van-noi leiset a (185 countries and territories) Covid vaccination in mihem 14.4 million tobang hi ana huhdoh jouvin ahi (preventable deaths).

Hiti ahijeh chun covid vaccination hi eiho dinga Covid 19 a kon kiventheina chule ahoiset nalou dinga manchah phapen ahitai. Tu le tua chapang ho a dinga kimang Covid vaccines ho chu ahile

- CORBEVAX vaccine (12 to 14 years)
- COVAXIN vaccine (15 to 17 years)
- COVOVAX & CORBEVAX vaccine (5 to 12 years):

Hiche teni hi DCGI (Drug Controller General of India) in approved bolta, market a kilhadoh nailou ahi.

Chapang/Naosen hohi atam jo kholai a potbeh lou inn a umjing ahi uvin, hijeh hin Covid natna hi insung mi adang ho a kon a akilah son ji u ahi. Chapang/Naosen hohi hiche natna a kon venbit theina dingin, insung minu/mipa, alen langho mopohna alen in ahi. Tuchanna chapang aneo lang chule naosen ho a dingin vaccine aum naipon, hijeh chun amaho venbit na dinga ibol thei pen u chu achunglanga kisei Covid appropriate behaviours phatea jui chule Covid Vaccination kikap thei jouse in kikap doh ding tihi ahijenge. WHO Director-General Dr Tedros Adhanom Ghebreyesus in "vaccines are one of our most important tools for preventing outbreaks and keeping the world safe" tin ana sei in ahi.

Pathen in iumna cheh uva damle bit in ei umpi jing taohen.

Kakipah e

Dr. Tongjakai Haokip

Child Specialist, District Hospital, Churachandpur

PASTOR LE MOBILE

*Rev. T. Thangkhosei Haokip,
Lit & Pub. Secy. KBC*

Phat masapen in KBC Thuso sim jouse ngailut salaam kahin peuve.

Pathen na itoh nao a hin khantou machal dungjuia angaicha tampi um jong leh tupet hin aphot le anikho toh kitoh ding in Mobile phone hi ahi.

Pastor: Pastor akiti leh Licentiate le Ordain ho bou hilouvin Lamkaija pang jouse hi kei gel dan in Pastor tin kala nom in ahi. Minu mipa ho jeng jong insung a pastor na atoh ahi. Houbung sunga jong lam chom chom a natong jouse hi Pastor natong a kigel sohkei ngai ahi. Mopoh na nei chu Pastor ministry a pang a kigel ngai ahi.

Tua kahin seinompen chu ahileh lamkai mopoh na nei ho hin itih phat a ipi ahunglhun ding akihet lou jeh a kigosa um jing angaije. Mi abang khat chu soh thalah banga aphot kipe sung a natong ding in akigel un, hichu leiset lunggel ahi. Pathen min a mopoh na nei jouse hin itih phat hijong leh ngaichat na chan a pan la ding in ikitem un ahi.

Hiti ahijeh chun Houbung, Gambih chule Convention level a natong jousen 24X7 a hi pan lajing ding in Pathen in amithengte lah a na tong ding in eideijuve.

Mobile: Hiche thu hi achet achaijin ahina bang tah in seithei hih jong leng keima ngaidan kahin sei nom e. Mobile hi kihouna thei lah a anompen, mun jouse a network umna mun a kimang thei manchah phatah ahi.

Mobile jeh hin vannoi hi insung, khosung le gamsung kinaicha dan in aum dohtai.

Masang in Telegraph in thukin ana kithot in ahi. Aban in telephone laneline in kihouna ana kineiijin, Chuban in cell-phone ana um kit in, tun vang Mobile ahung um doh tan, mijousen anei tobang ahitai. Mobile jeng jong masang chun main balance bou ahin, chingthei tah a ana kimangji ahi. Tunvang battery aumpou leh 24 hours a mitoh kikihou thei ahikit tai.

Aphalou langa mangnom ho dinga jong manchah phatah hikithou ahi. Mi abang khat deh chun jousei nopnan amang un, aphamo lheh e.

Tua Pastor le Mobile chung chang a kahinsei nom chu ahileh Pastor jouse hin mobileinei soh taovin kipa aum lheh e. Chuban a i-number

jouse hi Houbung mite leh kihetpi jousen anei ahitai tihi suhmil lou ding in kahin deisah e. Chutoh lhon a kahin seinom chu ahileh Lamkai khat hina a mipi toh kijah mat na ding a kinei mobile hi Off a koilou hel ding in ahungkidei sah e. Chuban a seinom khat chu Pathen natong khat hina a koi tobang in eihin call leh lah(recieve) ding hi kei deidan ahi. Ajeh chu eihou nom jeh a chu i-number chu midang khat kom a ahin kilah a ahin call himai thei ahi. Amavang chih thei ding khat chu ahileh mipha lou number tia iki save khah ham ahilou leh iginmo mi ahile vang lahda thei ahi.

Hichea kahin sei nom kit chu ahileh Whatsapps lah a min hetnom ahin neileh adonbut thei ahilou leh adonbut ding a lom hon donbut ngai kasa e. Chule group a kiso jouse donbut tei ding tina jong ahi kit deh poi. Apha chom a pan ilah pet hi mipha ihina ahin, thu akile lam a donbut mipha lou kiphot na ahin, hetthem angaije.

Hijeh chun sopi ule nao ten Mobile hi machal na ding leh khantou na ding in mang ute tia Pakai min temna leh hetsah na kahin nei ahi. Kakipah e.

Literature Secretary KBC



Senate of Serampore College University



Shalom Theological Seminary

Senate of Serampore University noi a Second Semester result akiphon toh dung jui in, KBC in Theological College ibol u Shalom Theological Seminary (STS) result anaki phon na a chun STS ah First Year Student ho result chu First year Student hi mi 16 ahin, hiche lah a hin mi 6 First class ahin, mi 10 hi Second class a hung lolhing ahiuvin ahi.

Maban a jong hitabang a result ahung hoitou peh na dingin houbung miten i taonao vah geldoh jing utin, chuleh college ibol u hi tosot jinga pan lah nathei chan a pan ilahkhom diuvin jong temna ahung kinei e.

MISSION FIELD VISIT

*Rev. Lamkeng Lhouvum,
Mission Secretary*

Mission Column

1. Elijah Prayer Mountain natoh machal jing:

KBC Mission natoh na a Elijah Prayer Mountain semboi ding lungtup kinei jeh ib amauná din Main Sanctuary lentah akisan Pathen lungset in akimachal jingin ahi. Tuhin Mistry hon achung akhu laitah u ahin, chuleh Bricks mistry ho jong wall ho achai konu ahitai. Pathen thangvah in um hen.

2. Thingkeh thah kiphut joutai:

Elijah Prayer Mountain mun semhoi na dingin, aum sah Thing phung (Chah Thing) aki la doh in tu hin Decorative thing phung ho jat 7 tobang thingkeh akiphut dohtan ahi. Thiongkeh hi 1000 val aki phut in hoitah a ahung kikhan lhit thei nadin taona in gel doh u hite.

3. Evangelical Church of India Youth Camp, Lanching ECI

Pathen lungset in achesa 30th June – 3rd July 2022 sungin Langchhing Evangelical Church muná ECI Chandel District pumpia din Youth Camp ana kinei jin ahi. Hiche a hin khangdong mi 270 ho ahung kikhom doh in Pathen lungset in nom tah leh kipah tah in Camp ana kiche lhan lolhing tah in Khang thah te Camp Lolhing tah in akichaitatan ahi.

4. Arunachala Pradesh Mission natoh machal jinge.

Pathen lungset in Arunachal Pradesh Missionaries ho lung kitoh tah le thanom tah in Ministry a akimang cha jingun Pathen thangvah in um hen. MISHMI HO LEH NEPALIS ho lahá out reach ministry akal son naova boina them khat ana toh un ahi. Hijong leh Pathen in ana hoi damin boina chu apel doh theijun Pathen thangvah in um hen.

5. Kipa thuphon:

Missionary Sherlyn Khongsai asopipa Mr. Boilen Khongsai, tutua Tezu Arunachal Pradesh Airport natong khat ahi. Amah o insung miten, Tabitha Girls Hostel leh Pathen ngailutna najallin, Hostel dingá ngaichat lentah Touna leh Dokhang ahin peuvin ahi. Amah



o insung mite chungá kipa thu sang tah in akiphongin ,Pathen in phat thei boh jing tao hen.

6. Chatpi Molbem Taona Mol Thua Gambih 21 lamkai hotoh kimutona.

Achesa 9th July nikhon Gambih Centre Khopijang muná Chatpi Molbem Prayer Mountain thua Gambih lamkai ho toh kimutona akineijin, Parthen lungset in lolhing tah in kihouna akineijin ahi. Adeh in Chatpi Molbem Haosapu Pu Thonglet Haokip hin, Gam-sung mite ding leh Pakai natch na dinga Taona mol khat apeh doh ahin, khonung chana KBC a dia mun phachom khat ahi thei ding kinap aumin ahi. Pathen in phatpha eina peh uva ahi leh August lha sungá lampi semdoh ding lungel akineiju=in Taona a gel doh jingo hite.

7. Youth Employee day 2022

Hiche nikho hin Pakai Christa Molnom Houbung mitheng te toh kimanchah khomna akineijin ahi. Sunday nikho 12.00-2.00 pm chan Youth ho toh Seminar kanei khomun ahi. Khangthah tam-pi aphot chomppin kipa aum lhev jengin ahi. Hiche toh kilhonin Molnoi Area Centre Church jong vilna akineijin ahi. Pastor Seikhogin Haokip toh ki mu tona akineijin ahi.

8. Tripura Mission Field Tahsan thah punbe.

Houbung mitheng te Taona jallin, Emrup Cherra Tripura muná tahsah thah akiben ahi. Mr. Robindro Debbarma in Tahsana Tui-lutna Pastor Seikholen Guite khutna ana neitan ahi. Film minis-try leh Home Visit a koná mini tahsan thah um ahin, ahinlah aloi-pa hi tahsa dam lou jeh in ahung pang thei tapon ahi. Nikhat leh Tuilutna akinei thei nadin Taona in gel doh jingo hite.

9. Saheibung Baptist Church KBC No. 7 Mission Board Chunga kipa thuphon

Saheibung Baptist Church KBC Gambih No. 7 Mission lamkai hon KBC Missionaries ho leh Evangelist ho Taokhom nikho hin Lengthei (Pine Apple) 200 ahin pouvin thilpeh ahung bolun ahi. Hitobangá Pakai Christa Houbung mitheng te hon Pakai Lhacha ho ahin gelkhoh jiu hi itih kipa uma hitam , Saheibung Houbung mite Pathen in phat thei boh jing tao hen.

10. Missionary Rev Seikhothang@Senpu leh Pastor Haopu DOUNGEL Silliguri in Office vilna nei.

Rev Senpu Haokip Missionary Sikkim leh Pastor Haopu DOUNGEL Missionary Silliguri KBC Office vilna ahung ahung nei lhonin ahi. Pastor Haopu DOUNGEL Ministry toh kitho khomá Pathen in pha asah leh Guwahati muná hi KBC Missionaries ho dinga hi Retreat Programme neikhom ding ti tit oh gon akineijin ahi. Hijeh chun alohin thein a din Taona a gel doh jingo hite.

11. KBC Mission Individual Sponsored thah um be.

Pi T.Hoinu Haokip KBC Centre Church New Lambulane a ko-nin KBC Mission natoh na dingá Individual Mission Sponsored a pang dingin ahung kipe doh in Pathen thangvah in um hen. Pi T. Hoinu hi aum talou Pu T. Chungsei loinu ahin, Government natoh na a pension ta jong leh Pathen natoh na dinga ahung kipeh doh kipeh doh kipa thu sang tah in aki phonge. Ama leh insung mite Pathen in phat thei boh jing tao hen.

12. Pu Jamsei Haokip T. Thangkan Insung miten, Arunachal Mission Field Bekhulian Houbung vilna nei.

Kipa umtah in Pu Jamsei Haokip leh Insung miten, Arunachal Mission field Bekhulian Houbung vilna aneijin ahi. Hichan geija KBC Mission Field natoh naho agelkhoh nao jallin kipa thu sang tah in aki phonge. Houbung ho leh Missionary Lalboi Kipgen leh Family ten jong melchih thei ngailut thil peh jong ahin peuvin ahi.

13. Individual Mission Sponsored family ho vilna.

a) Amasa penin Pu Thangbem khongsai leh Family, Lamphel b) Pu Nehlun Haokip & Family, NGV C) Pu P DOUNGEL DGP & family vilna akineijin ahi. Pathen lungset in Individual Sponsored Body ho hii vil ding lungel akineijin ahin akivil soh jou jip on ahi. Hijong leh jo kham khamá kikal sina na a kipa umtah in ana toh nao ban jom thei jinga aum jallun Pathen thangvah in um hen. Kipa um tah chu Pi Mawite DOUNGEL hin tukum July a patna Rs. 5000/ lhaseh a pe dingá ahung pan thein a chungá kipa thu sang tah in kahin phongin ahi.

14. Serou & Sugnu Mission Field machal jing:

Serou Mission field visit akibol toh kilhonin Chatpi Molbem Ta-

ona mol natoh na dingá Khopijang Haosapu leh Gambih Chairman Pu Doulal Mangte komá kholai aki lengin Pathen lung set in JBC man thei dingin Pathen natoh gel khoh na in ahung kipe doh theijun kipa thu sang tah in kahin phongin ahi. Hiche toh kilhon Serou Mission field Missionary pa gun chu na jallin, Compound Fencing hoitah in abol doh in chuleh Thingkeh ho jong tapi ana phut in Haosapun Thing lhang lei phailei ho jong akibol sah in ama chal lseh jenge. Sugnu Mission field jong akichaisa tobang ahitan Pathen lungset in member jong ahung kibe tan kipa aum lseh jengin ahi.

15. MBC Mission Secretaries Pulpit Exchange Tour.

Manipur Baptist Convention sunga Association 29 aumin ahi. Hiche 29 ho lahá chun Mission seretares ho jouse hi Association khat khat Host abolá Pulpit Exchange chu tu chungin Poumei Naga Baptist Association hon Host abolin keijong Pathen lungset in kakal song theijin Sepapati Tunjoy Church a achesa 24th July Sunday nikho chun kaki mang chan ahi. Pathen chu loupe jing taken.

SAHEIBUNG BAPTIST CHURCH CHUNGA KIPATHU SEINA



KBC GAMBIH No. 7 a um Saheibung Baptist Church Mission lamkai hon Office Staff ho ngailut na jal in a lhosoh ga u Leng thei tapi ahung thah un, hijeh chun Office Staff jouse thah-khel in achung uvah kipathu sang tah ahung kiseijin ahi.

MEN DEPARTMENT REPORT

Rev. Tongmang Haokip
Men Department Secretary

Men Column

Phathen eipuihoi jingu hatchungnung pathen kathangvah in chule muntinna Houbung mitele pa kachan khompi hojouse nabon chaovin pakai min in salam kahin bolchehuve. Pathe mapuihoina jalin Convention Men Department jong tuni channa khantounale machalna lam manojing jehin pathen kathang vahin chule anojjahin achom lam tah in report kahin pen ahi.

1. Convention Men Dept. in Missionary sponsored kibolho vilna:

(a) Rev. Seikhothang Haokip Sikkim Field

(b) Evan. Sukrja Skkim amanihi achesa March 2022 lhasung in Convention Mission Board hotoh akiche khom in amani Field muntah vilna agakineijin Nampon Saipikhup khatcheh akisilpeh lhon in chukal valin Evan Stephen Lunkhagin Missionary tenu-pa jong Nampon akisilpehin chule Inneipi ding, Men President pa Inneipi Nu. Chochong Vaiphei in jong Ponve khat ahin toh in chule Men Secy, pa In neipi Nu Lamjaneng Haokip in jong ponve Swet khat ahintoh lhon in chule amani chung a jong kipathu ahung kiphong pathen in phatthei boh lhon taken chule Missioanarho kipa vetsahna le tilkhounan Envelop neocha cha jong akipe chehun ahi.

(c) Evan. Haridas Meitei & (d) Rev. Athang Serto Manipur Field :

Dt 11th July 2022 Monday ni jingka matah in Eva. Haridas ama Field muntah kichen aHoubung mite miphabep toh kaikhomna jong akineikhom in tilkhouna jong akinei in chutoh kilhon in Houbunga dingin Plastic Chair 6(gup) half Dozen akichoh pehun Houbung mite tilkhounain akipen mipin taokhomna akineijin ahi. Houbung mitetoh Kaikhom kikhen in Evan.Haridas amachen na inmun tah a akiche kitin tilkhona thei chan in akitilkho kitin kipa vetsahnale tilkhona dingin Envelop neokhat jong akipen taopehna akineikit in ahi.

Dt 11th July 2022 nimama in Rev. Athang Serto amatah natoh na munna cheding akideisah in ahinla ama natohna munna chedinghi phat akilemthei loujeh in amatah in keijoh Office a hungthongetia ngehna aneitoh kilhon in Office ahungin kihoulimnale taokhomna akineikhom in kipanale tilkhouna in Envelop neokhat jong akipen ahi.

2. 37th Convention Men Department Council :

Achesa Dt 19th July nin KBC Office Chaper Hall munna 37th Men

Department Council anakibol in ahung pangdinga kilom Gambih NO. 1—23 sunga Gambih Men Chairman Secretary chule Treasurer jouse atamjo ahung pangsoh keije. Council Member changle Office Staff jouse toh Jing An tuitah nehkhomna jong anakineije.(Lom Resource Centre) LRC Produc Vatotsa tuitah.

Council a hung pangloul Gambiho : Gambih NO. 9, 10, 14,18,20,21. amaho chang tilou Gambih adang jouse ahung pang sohkeijun ahungho jouse chungu Council Member changing kipathu akseijin, ahungpangloul hojouse chungu Council Member changing phamo akisan, akitlangle phatecha ahungpang cheh dingun mipin deisahna akineije.

3. Pate Missionry Fund (MPF) hinpeho :

(a) 2022 kumma patna Pate Misssionary Fund (PMF) hi Rs 500/ apat chung lam cheh pehtah dinga tia Assembly kiphatsahna bangin tuni chan geijin pakai lenggam natohna ding khohsah jala thanom taha ahinpeho jouse aminchehu hung kipa jouhih jongle chung chehuva Convention pate thalhengin kipa thu ahung kiphonge, chule tuni chan geija hinpe thei nailou hon jong pakai lenggam natohnale machal nadinga hinpe soh keidingun temna ahung kinei kite.

(b) Memento hopdohna:

Achesa Dt 19th July 2022 Tuesday ni Men Department Council ahi-toh kilhon in Pate Missionary Fund 2022 kumma Rs 5000/(sangnga



apat chung langho Memento pehdin anakiti chu anojia chang-hohi kipa vetsahna in Memento anakipe chule 2021 kumma peh bang khai ho jong mi thum anakipe amaho chung chehuva kipa thu sang tah ahung kiphonge pathen in a Insung chehu phatthei boh jing jengtahen.

1. Pu Ngamlen minthang Haokip S. Lhangnom B/Church Gambih NO.12 Rs 20.000/-

2. Pu Thangminlen@Thangbem Haokip C/C M.Thingjabong Gambih NO.8 Rs 5,000/-
3. Pu Lunminlen Kipgen Pangjang Baptist Church Gambih NO.3. Rs 5,000/-
4. Pu Paolenlal Lhouvum C/Church Leimakhong Gambih NO.1. Rs 5,000/-

2021 kumma pehbangkhaiho :-

1. Pu Seiminthang Doungel C/C Thingjabong Gambih NO. 8. Rs 2,000/-
2. Pu Thangboi Chongloi C/C Salem Saikul Gambih NO. 3 Rs 2,000/-
3. Pu Janglun Haokip C/Church Saikul Gambih NO. 3. Rs 2,000/-

4. Lom Resource Centre (LRC) munna nakitong:

Achesa Dt 20th July nin Lom Resource Centre munna Conven-



**Men Department Project
Lom Resource
Centre mun a
natong a hung
kon ho ahivue.**

tion Men Work Committee hole mun chom chom choma Men Work Committee ho in pakai min in kipatah le thanom tah in Lom Resource Centre munna na ana kitongin ahi. Natonga anavaikonho chu anojia kahin tah lange.

1. Pu Seikhohao Vaiphei President Men Dept. KBC.
2. Pu Kaikholim Haolai V/ President Men DEPT. KBC.
3. Pu Thongkholal Haokip CmwC
4. Rev. Tongmang Haokip Secy. Men Dept.
5. Pu Seigin Vaiphei Men Dept. Chaiman Gambih No. 8.
6. Pu Thangngam Haokip MWC Gambih NO.8.
7. Pu Paominlal Haokip Secy. Men Dept. Leplen Gambih No. 2.
8. Pu. Momoi Vaiphei MWC Gambih NO.4.
9. Pu Thongsei Haokip LRC chawkider

Note:-

Achunga thakonmin phabep hung kigol lhaho jal in pathen kathangvahe, chule koi Gambih hihen lang koi Houbung Men Department hijongle tuchanna geija thakon hojouse chung a kipathu sangtahn ahung kiphonge, chule tuchan geija akonkha lou laiho jong hiche Lom Resource Centre munnahi pakai minna ahungkon thei chan hung kon dingin jong temna kahin nejuve, ajeh chu khonungle Convention a dinga source income khat hunghi dinghi kinepna lentah ahije.



WOMEN DEPARTMENT

*Ms. Tingneihling Kipgen
Women Secretary*

Women Column

1. Women Department 38 veilhinna Council:

July 20, 2022 nikhon KBCWomen Depatment 38 vei lhinna Council chu KBC Office Chapel Hall a lolhingtah in ana kitou vin ahi. Gambih nute lamkai leh Convention Nute Lamkai agom



in mi 58 ahung kikhom doh in ahi. Hiche Council a chun Convention nute tohgon ho molsona ding lampi ho alhangbpi in ana kisei jin ahi.

2. July 21, 2022 nikhon Gambih 17 Nute lamkai ho leh Chahsad Centre Church pastor pan Lydia Resource Centre a um ponkhon jil nungah ho vilna ahung nei jun taopeh na leh ngailut thil peh pehna jong ahung nei jun ahi. Athilpha bol nao chung Convention nuten kipa thu sangtah in akiphong in Pathen in phatthei boh taohen.

YOUTH DEPARTMENT

*Rev. Lunkhosei Tuboi,
Secretary, Youth*

Youth Column



KBC YOUTH DEPARTMENT COUNCIL REPORT:

KBC kivai hom na noiija Youth Department in jong kum kim kihou khom na Youth Council chu Gambih Youth Lamkai mi 43 pan lah nan lolhing tah in ana kichai thei jin Pathen kathang vah'e.

Youth Council lolhin thei nading le ahung kikhom Youth Lamkai ho tilkhon na (Devotion) chu Pu Rev. Dr. M.Thongkhosei Haokip, General Secretary KBC in ana neijin ahi.

Jinglam Nidan 10:30 Am akon in kihoukhom na ana kipan in lunglut tah le Thanom tah in malam a tohgon kigong ho seikhom na akinei jin, imacha thuboi laboi umlou vin Youth Department Council chu Pu Rev. Dr. Letkthothang Haokip, Education Secretary in Patheng heng'a kipa thusei nale khumkha tao na anei jin Meeting khumkha na ana kinei tai.

Youth Secretary KBC

KIPA THUSEI NA

Kumsih le Khangdong na toh na neiho Government Service hi-hen Private na natong ho hijong le Pathen heng'a taopih na le tilkhon na nikho a dia pha ina sah pih u YOUTH EMPLOYEES' DAY Nikho loupi tah chu Kuki Baptist Convention Events Calendar dungjui jin Nisim 10/07/2022 Sunday nikho chu mun tin



na KBC Houbung miten ina mangchekh uve ti a kihen Houbung lamkai le Houbung mite ho jouse chung'a kipa thu Pakai min in kahin phong doh un ahi.

Chule YOUTH EMPLOYEES DAY Nikho ahito kilhon na tilkhon na thusei ja pang le khangthah te vangthum peh a pang Pakai lhacha ho le alam lam a mopoh na nei pum'a pan la ho jouse chung'a jong Youth Department te thakhellin Pakai min in kipa thu kahin phonge.

Chule kiphal tah a khangthah te kiloikhom na machal be thei nading'a ijo kham kham uva Offering ihin to doh nao jal in jong na chung cheh uvah kipa thu kahin phong un ahi.

Pathen in iki loikhom nao Kuki Baptist Convention phatthei boh jing tachen.
Kakipah'e

Pakai le Mipi lhacha
Rev. Lunkhosei Tuboi
Youth & Music Secretary, KBC

Holistic Development Column

Development Column
HOLISTIC DEVELOPMENT Kiman chahna ho:

KBC, Holistic Development in mipi kinbolna natosh akichepi jing toh lhon in Houbung mipi hotoh itoh itohkhom nao natosh ho alim a muthei ding in jong ahung kitah lang in ahi.

1. 5 Days Organic Farming Training: Honlei/melei har (lou le ai) or chemical jaolou a anche louhing ineh uva idamthei diu hi mi-hem a ding a thil poimo tah ahitoh kilhon in Sawm-Inn Agritech le Thrive Institute in ahin gon 5 Days Organic Farming Training ana kijao in ahi. Houbung mi hiche chung chang a lunglutna le thanopna neihon Director, Holistic Development kom a thuchen ihet be thei dinga ahi.

2. Prize Distribution: KBC in khovel venbit le semhoi ding nasa-tah a akilhang sap jing toh kilhon in tukum World Environment Day toh kisaiya Essay le Painting competition ana kibol chu prize hojong lolhing tah in ana kihomdoh tan ahi. Agom in mi 92 in kitetna ana neiun ahi. Hiche kingon lolhin theina ding a Donor a hung pang jouse chung a kipathu seijou lou ahung kiphong in ahi.

Sl. No. Name of Donor

- | | |
|----------------------------|----------------------------|
| 1. Prof. T. T. Haokip | 2. Rev. Onkho Haokip |
| 3. Dr. Thanggoulen Kipgen | 4. Pu Seiminthang Lupheng |
| 5. Nu Nengcha Hangshing | 6. Pu Lunminthang Haokip |
| 7. Dr. Hemminlal Haokip | 8. Pu Sonjangam Haokip |
| 9. Pu Kamboi Kipgen | 10. Pu Thongkhosei Haokip |
| 11. Dr. Thangjamang Haokip | 12. Gl. Thangjangam Haokip |

3. Covid-19 Vaccination: Mipi kinbol natosh hi KBC in dinna khom-pi khat a kinei ahitoh kilhon in vannoiya natna hise Covid-19 akon mihem hinkho huhdohna ding natosh akichepi jing in ahi. Hiche natosh hi Church Auxiliary for Social Action (CASA) toh kitho a kibol ahi.



EDUCATION SUNDAY NIKHOA KIMANCHAH NADING

Christian Edu. Column

4 September 2022

Program Order:

- | | |
|------------------|--------------------------|
| 1. Leader | : Youth Chairman |
| 2. Opening Song | : |
| 3. Invocation | : Woman Chairperson |
| 4. Special Song | : BYD/Church Choir |
| 5. Bible Reading | : BYD Treasurer |
| 6. Speaker | : Rev/Pastor/Head Deacon |
| 7. Announcement | : |
| 8. Closing song | : |
| 9. Mass Prayer | |
| 10. Benediction | : Rev/Pastor/Head Deacon |

Prayer Items:

1. Convention sunga Institutions ineihou:
Kanggui Christian College, Kangpokpi,
Dr. Colvin Academy, Phaicham veng Moreh,
Dr. Colvin Academy, Haolenphai Moreh chule
Dingpi School, Khangborol.
2. Jilkung hole simlai chapangho jouse a ding.
3. Quality Education chepijing School/College ahijing theina diu.
4. Tahsale lhagaova adam theinadiu.
5. Schools/College aphalam a amachal jing nading.
6. School/College in angai chat ho suhbulhit a aumvah theinading.
7. Education board member ho ding.

Hetsah le ngeh na:

Education kivai hom na machal be nading le khantou thei nading in
ljo kham kham uvin Tolom jong toh khom cheh uhite tia Pakai min a
temna le taona kahin nei ahi.

To excel Others

(Midang khokhelding)

Mathew 5:20

Phatmasan muntinna um KBC houbung mipite ho jouse Education Sunday nikho ahito lhon in Pakai Jesu Christa min in kangailut na salam kahin peuve. Tuchung education Sunday a igel khom diuva dei um chu itoh toh na ahi miho khokhel ding tihi ahi.

Mihem jouse hin thilpha chule thil hoi chan diinghi akidei soh kejin jin ahi. Hiche na ding chun imalam jouse a misang a chungnun jep ding angai ye. Midang ho sanga chung nunjep ding igotleh chihna le thepna (Education) chule Pathen ngaisah nalam a hi kiha bol a mi dang khokhel soh ngaiyah ahi.

Education ititengle 'thepna le chihna' tina ahi. Ahin BA, MA chule Doctor, Engineer hobou educated tia lunggel kineipa khu kei geldanin dih kasa jeppoi. Pathenin mihem teho hi ama lim le melpu a asem hijongleh koima akilou chet akibang chet aki umpon chujongle ihinau, ibol theinao jong akibang pon ahi. Mahatma Gandhi in 'Education for All' kiti lunggel asei banjoma aseibena khu ivetleh mihem khat chu ama boltheina ahiloule toththeina chun midang akho khel a chule hichun kihinsona apehthei le hiche chu education ahi ati. Hichea aseinom chu ahile mikhat chu lekha simna lamah sangtah degree nei hih jongle athepna lampi khat a midangho akho khel nachu education sangtah nei ahi ti suhmil lou a chule gel nem najong neilouding in aphaí.

Chule abanin Education leh Christian education kikhehna chu alhangpia thepna le chihna ho jouse hi education in ahop in ahin. Christian education iti tengle ithepna, ichihna, iboltheina, sum holna, pai holna, ikivah naho jouse, etc. hi Pathen thutoh kito hdi tina in kagelin ahi. Chule mihemhi koima athemsa achingsa a hungpeng akiumpoi. Chihding thepding kitihí koima adeimo aumpon ahi. Chule mi chungvum a ahiloule mijouse khokhel a thepding chihding jong kidei sohkei ahi. Ahin koiman ama dei to bang tah in hi thil jouse amuthei poi. Ahin iseinom uchu ipi lam hijong le ibol theina ahiloule ithepna lampia chu mi khokhel teiding got cheh ding aphaí.



Pakai Jesun aseijuite kom a asei chu 'nachon phat nauvin Pharisai hole Sadukai ho chonphatna akhokhel lou leh iti nama jongle vangam nalut lou ding u ahi ati. Amahohi chondan khandan Juibukim ahiuve. Ahin amaho ahinau hi alhem, atah tah hilou atam jeh uva Pakai Jesun ana phatsei lou ahi. Ihet chet thei nadiu vin tekah khat sei uHITE: Student khat hi lekha sim dinga dokhang (table) a atou in amit asingin hiti a chu aumjing jeh chun apan iti nahim, adamlou nahim, ibol a lekha simlou a mitsing sing jeng nahim atile aman hitin hin ahin donbut e, 'neisuboi hih un Algebra formula kangaito ahi ahintin ahi' Amahi lekhasim thaset jeh a amit asin ahin Algebra formula ngaito ahipoi. Hiche banga chu Pharisai hojonghi asei ule ahinau akibah lou jeh a chu Pakai Jesun amaho khokhel dia chu eitem u ahi. Tuni a iseinom uchu chonphat na lang bou a mi khokhel keo hilou vin leiset a cheng nalai ihijeh uvin thepna le chihna lam a jong midangho ikhokhel lou ule miphah jouna ineiloudiu ahi. Hitia chu mi khokhel ding inop ule ihung khanlet nading mun (Environment) hi semhoi angai in ahi. Sem hoi dinga poimo hochu:

1. Home Environment:

- Inhi chate ding a imalam jouse kijil patna ahijeh in insung kiva pohdan le kilam kaidan hohi akitup angaiye. Lekhasim chapang hodinga lungmong lhamong a simna thei insung ahitei angai e. Hiche nading a chu minu le mipaten pan halah jep ngai ahi. Imalam jousea insung chu gelkhoh masah pending chate naote lung lengvai nathei a hinkho manlou helding ahi. Natohna nei ahiloule kinle dong nei hon jong ahinathei chan a aphot cha a inlam jot a chate kiman chah dan vettup peh jing angaijin ahi. Home environment kisuh louna mun a kon in chapang mikhokhel thei ahung umding chu thil hahsa ahi.

2. Sunday School/Church Environment :

Sunday School ahiloule Houin hi chapang dinga a lhagao hinkho kibulphu patna (foundation) ahin, mundang sang a kisuhjep le ahoijep angaijin ahi. Sunday school kai ahiloule houin kai aphanai tia chateho moh sol a don lou a koilou apha. Ichateu lung lutna neitah a pan alah u hinam tiho khol jep jong ngaijin ahi. Sunday school lesson phatah a kihilna mun, chule kitup taha bannei tah

(systematic) Bible thu kihilna munhohi angaijin ahi. Chutobang mun le jang a hung khang len michu adangho sang a phajep teiding tahsan ahi.

3. School Environment:

Tulaihin minu mipate atamjo hi ichate school ahiloule tuition regular tah a che ahipoule lung lhai jeng akitamin ahi. Ahin asim ding dol le aheth ding dol ho phate cha a aheth u hi poimo jo ahi. Chule mi abang khat chu chateho gam pama akoidoh jeha moh kineppi jeng le lung oi jeng jong akiumdapo. Hitia gelchu gelkhel joh hid-ingham tin kagel e. Inmun a kai hihenlang gampam a kai hijong leh itobang munle janga uma koitoh kivop a class phatah a jao jing hinam tiho hetjing ngai ahi. School ojatehon 'Parents Meeting' a dia eihin kouteng ule jaogot teiding ilung lhaina le ilung lhailouna ho seia chule ichate school a achondan, a khandan u le amachal naho het doh ngai ahi.

Achunga kiseiho chenghi khatcha jong lhasam lou hela hinchepi munho a kon hung khanglen mikhat chu midang sanga achung nun teiding ginchat aume. Tulai hin ichateu atamjo ikinepnau toh ahung bah ji lou nahou hi achunga kisei khat pen penhi lha sam hiding in ginchat aum e.

Achaina a igel diuva dei um chu insung kitup, Sunday school kitup, Pathen thu phatah a kihilna houbung chule school kisu hohi lhingsel ainei u hinam ahiloule ichan a mi iphah lal u ham, ikhokhel u hinam tihi gelkhoh din aphai. Adeh in tutu hin Convention in School le College inei uvin Pathen thangvah aumin ahi, ahinla hiche hohi ivetleh midangte hotoh kidinte thei kitekah thei ihinai pouvin aphamo lheh e. Ipi chu hitaleh tuni a igel khoh diu chu ipi igel uva chule ipi ibol uva ahile achung a kisei (Environment) thum hohi kisu hoi thei a chule hitobang a kon a chu ichate hou hung khang len a chule mi teho sang a chungnung joding ham ti gel khoh in aphai. Hiche nading chun mun tin a um KBC houbung mite ho jouse ahithe chan a pan laikhom din ibon chauvin Pathen min in ikitem uve. AMEN



OFFICE LEH GAMBIH THULHUT HO

Thulhut ho

REPORT OF CEC VISIT TO MOREH

Achesa nisim 16th July 2022 (Saturday) nikho'n CEC ho Moreh a kholjinna ana kineiye. KBC Secretary ho (Men Secy adamlou jeh a hunglou) le President le Vice-President, chuleh CEC member (C/C Pastor Rev. Tonglal) le STS Principal Rev. Dr. Haoneo Haokip pannan mi 12 vel akikalsong khomin ahi. Hiche phat hin kin thum ana kitongdoh e.

Khatna chu ahileh, ningkuma Myanmar Relief a dinga taona nikhoa kitoh ho chu kilakhoma Moreh khopi lamkai Hill Tribal Council (HTC) ho khut a kipe lut ahi. Pi Chinneivah Haokip MDC member nu leh Pu Sesei Zou



(Relief Chairman) le adang panna in amaho office munah phat chomkhat kimutona akineiye. President Rev. Tonglet in KBC lama konin houlmna aneyin, Finance Secretary toh kithopina sum Rs. 1 lac 70k pehdohna anei lhonne. General Secretary, Rev. Dr. M. Thongkhosei Haokip in HTC lamkaiho leh Kawlgama hahsatah a hung jamdoh hoding leh chamna aumna dingin taona amange.

Anina chu ahileh, amahotoh phat akiman chai nungin Dr. Colvin Academy, Haolenphai mun agakivelhan, amuna umnu Ms Sherlyn Khongsai, KBC Missionary toh kimutona ana kineiyin, tutua School ngaichat thudola kihoulimna akineipin ahi. Hiche ho chu ahileh – Toilets and Bathrooms, Campus Fencing, Hostel Electrification, Furniture, Ceiling, etc.

Athumna chu ahile, KBC 'n tohkhompi (Partner) a kinei Kuki Chin Baptist Association (KCBA) ahiloule amindang khat a Kuki Baptist Convention Myanmar (KBC-M) hotoh jong Moreh Baptist Church (MBC) hon host na a kimutona leh kihoulimna akineiye. Thadou Baptist Association (KVTBA) ho jong ana kitema ahin, amaho vang ahung lhajou tapouve. CEC ahung holeh amuna KBC worker umsun Gambih Pastor jaona le MBC Board of Deacon themkhat toh Kawlgama (KBC-M) a kona GS, Mission Secy, chu-

leh ES (KCBA) amaho thum ho leh adang phabep apang uve.

KBC in KCBA le TBA kithopina kinei pehdoh na:

KBC-(I) in KCBA le TBA kithopina lhomcha hijong leh jokham khama nei ding tia ana kiphatsah bang in hiche kithopi na peh doh nachu KBC-I President le KBC Finance Secretary in peh doh na anojia banghin aneilhon in, KBCM- Rs. 50000, chule TBA – Rs. 25000 ahi. Meeting host eibolpeh u va leh neh-le-chah a hungpang Moreh Baptist Church ho chung a kipa thu akiseijin chule KBCI le KBCM kimu to theina dia palai ja hung pang Pu Boilen Haokip, Chief of Lhangcham chung'a jong kipa thu akiseiye.

Reported By: Rev.Dr. M. Thongkhosei Haokip
General Secretary, KBC

TAHSAN TUILUT

Kuki Baptist Convention Gambih 20 a um Bongli Baptist Church a Pasal 7 chule numei 1 in Christa atahsan nau aphon doh dungjuivinin Pakai



Lhacha Gambih Pastor Seiboi Haokip in A Pa Pathen, Chapa Pathen chule Lhagaotheng Pathen min in tuilutsah na anei tai.

NUTE ANGOL TAOKHOMNA, KBC GAMBIH 20

Tuni nisim 8 July 2022, KBC Gambih 20, women Department kingon na



noiya nikhat angol taona chu lholhing tah in Molpi Baptist Church a ana kimangin ahi. Pakai heng a kile kit taohite Kala 3:40 thupi mangcha in Gambih Pastor in houlimna anaeiyin tao na chu abih bihin anache lha in ahi.

Gambih No. 12 Tahsan Tuilutna



Pathen lungset najallin achesa nisim 1 july leh 3 july 2022 nikhon nin Rev Jamminlun Gambih Pastor KBC No. 12 khut a, Sarang Baptist Church leh Aishi Baptist Church mun'a chate mi 18 (Sarang B/Church mi 9 le Aishi B/C mi 9) Pa Pathen, Chapa Jesu Christa Pathen, chuleh Lhagao Theng Pathen min'in twilut na ana nei in ahi. Pathen in KBC phatthei boh jom jing taken.

CENTRE CHURCH M. THINGJABUONG KBC NO 8



Pathen mingailut jallin 30june to 3july sungin CHATE CAMP ana kibol in hichi camp a Speaker Evan. Patrick Hmar le Evan. Tangler ahin chule camp director hi Gl. Lalboi ana pangin campers mi 90 lang ana lhingin ahi. Hichi camp a jao sen tahsa le lhagaovin nasa tah in halna le kipa na anei uvin ahi pathen in houbung mite phatthei boh jing taken.

PASTOR HAOPU DOUNGEL.



July 21, 2022 nikhon Gambih 17 Nute lamkai ho leh Chahsad Centre Church Pastor pan Lydia Resource Centre ahung vilnao.



KBC Mission Department in Missionary kisol ho sponsored hinbol ho vilna ana nei uvin Pu Nehlun Haokip & Family L Lhangjol B/C GB- 4 jong NGV achenna mun a aga vil un ahi



AWARENESS ON MENTAL HEALTH SEMINAR KBC gambih no. 7 Youth Dept. tohgon na a one-day seminar Awareness on Mental Health kiti thupi mangchan 28th May nikho in lolhing tah in ana kimang in ahi

Post Regd. MNP/81
Regd. No. 18134/88

KBC Events "ANTHAH LOP HI muntin houbung a
akiman bang in Anthah lopna nikhoa ilah aki
mukhamkham ahungki tahlang e.



If undelivered, Please return to
The Editor, KBCThuso
Kulu Baptist Convention
Opp. DM College, Irpinjal - 795001
Contact : 9892533173